

Morning Dogri (NSD) National News Bulletin 11-01-2025

- गृहमंत्री अमित शाह होर अज्ज नशीले पदार्थें दी तस्करी ते राष्ट्री सुरक्षा बारे इक सम्मेलन दा उद्घाटन करगंन।
- उद्योग ते बपार मंत्री पीयूष गोयल होरें आखेआ ऐ जे भारत दुनिया दा सब्बने शा बड्डा डेटा केन्द्र बनने दी समर्थ रखदा ऐ।
- उत्तर प्रदेश च अयोध्या दे श्रीराम मंदरै च रामलला हुंदी प्राण प्रतिष्ठा दा इक ब'रा पूरा होने पर अज्जै थमां त्रऊं दिनें दा विशेष आयोजन शुरू होआ करदा ऐ।
- अमरीका दे नमें चनोए दे राष्ट्रपति डोनाल्ड ट्रंप होरें गी 2016 दे चुनावं दरान रिश्वत आले इक मामले च बिजन शर्त बरी करी दित्ता गेआ ऐ।
- बैडमिंटन च मलेशिया सुपर थाउजेड दे सैमीफाइनल च रंकरेड्डी ते चिराग शेटी दी भारतीय जोड़ी दा मकाबला दक्खन कोरिया दी जोड़ी कन्नै होग।

<><><><><><>

Shah Drug Trafficking Conference

गृहमंत्री अमित शाह अज्ज नशीले पदार्थें दी तस्करी ते राष्ट्री सुरक्षा बारै नमीं दिल्ली च आयोजित इलाकाई सम्मेलन दी प्रधानता करडन। नारकोटिक्स कन्ट्रोल ब्यूरो – एनसीबी आसेआ आयोजित इस सम्मेलन च नशीले पदार्थें दी तस्करी दे राष्ट्री सुरक्षा उप्पर पौने आहले प्रभाऽ गी लेइयै चर्चा कीती जाह्ग। सम्मेलन च उत्तर भारत दे 8 राज्यें ते केंद्र शासित प्रदेशें पर चेचा ध्यान दित्ता जाह्ग। कार्यक्रम दरान, श्री शाह होर नशीले पदार्थें गी खपाने सरबंधी पंदरवाड़े दा शुभारंभ करडन। ओह एनसीबी दी भोपाल इकाई दे दफतर परिसर दा उद्घाटन करडन ते मुख्य भरै च मानस-2 हेल्पलाइन दी सुविधा गी बी शुरू करोआडन। नशीले पदार्थें गी खपाने सरबंधी पंदरवाड़े दरान जब्त कीते गेदे 44 जहार किलोग्राम शा मते नशीले पदार्थें गी खपाया जाह्ग जेह्दी अंतर्राष्ट्री बजारै च कीमत 2 जहार 411 करोड़ रुपें दी ऐ।

<><><><><><>

PM-UP CM

उत्तर प्रदेश दे मुख्यमंत्री योगी आदित्यनाथ होरें कल नमीं दिल्ली च प्रधानमंत्री नरेन्द्र मोदी हुंदे नै मलाटी कीती। इस बारे सोगी होरें इक सोशल मीडिया पोस्ट पर आखेआ जे प्रधानमंत्री मोदी हुंदे मार्गदर्शन हेठ महाकुंभ 2025 इक अनंत गौरव दा प्रतीक साबत होने जा'रदा ऐ जेह्दे भारत गी ओह्दे दिव्य, भव्य ते डिजीटल स्वरूप च प्रदर्शन कीता जाग। कुंभ मेला 13 जनवरी कोला 26 फरवरी तगर आयोजित कीता जाग।



PM-France Tour

फ्रांस दे राष्ट्रपति इमैनुएल मैक्रों होरें घोशणा कीती ऐ जे भारत दे प्रधानमंत्री नरेन्द्र मोदी होर अगले म्हीने फ्रांस दे दौरे पर आवा करदे न ते उत्थें लगने आले आर्टिफिशल इंटेलीजेंस शिखर सम्मेलन च हिस्सा लैंगन। फ्रांसीसी राजदूतें दे सम्मेलन च मैक्रों होरें भरोसा जताया ऐ जे एह् सम्मेलन आर्टिफिशल इंटेलीजेंस दे क्षेत्र च इक बड़ा गै महत्वपूर्ण पड़ांह साबत होग।



Goyal-Bharat Climate Forum

केन्द्रीय बपार ते उद्योग मंत्री पीयूष गोयल होरें आखेआ ऐ जे भारत दुनिया दे सब्बने शा बड्डे डाटा केन्द्रें अमले देश दे तौर पर कायम होने दा लक्ष्य रखदा ऐ। नमीं दिल्ली च कल भारत जलवायू फोरमदे बाहरें श्री गोयल होरें आखेआ जे भारत दे अंतर संपर्क ग्रिड, स्वच्छ ऊर्जा, डाटा सुरक्षा ते कुशल कर्मी होने करी, इस लक्ष्य गी हासल कीता जाई सकदा ऐ। मंत्री होरें आखेआ जे डाटा केन्द्रें दे गढ़ दे तौर पर भारत बक्खी आकर्षण दा कारण इयै बड्डे पैमाने पर मजूद डाटा दे साधन वसीले च जित्थुआं आर्टिफिशल इंटेलीजेंस दे मॉडल्स विकसित होई सकदे न। मंत्री होरें स्वच्छ ते टिकाऊ ऊर्जा लेई सरकार दी वचनबद्धता गी बी उजागर कीता। उनें दरम्याने रेरिस समझौते तैहत साढा देश सर्वश्रेष्ठ प्रदर्शन करने आले देशें च शामिल ऐ।



Ayodhya Anniversary

उत्तर प्रदेश च अयोध्या दे श्री राम मंदरै च रामलला हुंदी प्राण प्रतिष्ठा दा इक ब'रा पूरा होने दे सिलसिले च अज्जे थमां त्रऊं दिनें दा विशेष आयोजन शुरू होआ करदा ऐ। प्रधानमंत्री नरेन्द्र मोदी होरें पिछले ब'रे 22 जनवरी गी श्री राम जन्मभूमि मंदरै दा उद्घाटन कीता हा। पर हिंदू कलेंडर दे साबै इस एहदी ब'रेगंड 11 जनवरी गी मनाई जा'रदी ऐ। तदू बी पोह् म्हीने दे शुक्ल पक्ख दी त्रोदसी ही ते अज्ज 11 जनवरी गी बी इयै तिथि होग। इस मौके पर उत्तर प्रदेश दे मुख्मंत्री योगी आदित्यनाथ होर कार्यक्रम दा उद्घाटन करगंन ते रामलला हुंदा अभिषेक बी करगंन।



Mahakumbh

प्रयागराज उत्तर प्रदेश दे महाकुंभ 2025 अध्यात्म ते सृजन दा इक अद्भुत संगम पेश करोग, जित्थे पवित्र परंपराएं ते आधुनिक डिजीटल तकनीकें दा शानदार तालमेल दिखने गी लब्भा'रदा ऐ। महाकुंभ दरान साइबर चुनौतिएं कन्नै निबड़ने आस्तै 56समर्पित साइबर वार्मिंग गी साइबर पैट्रोलिंग आस्तै तैनात कीता गेदा ऐ। महाकुंभ मेले आले इलाकें च निर्देशें दे 40 डिसप्ले खडरे गेदेद न ते इक हैल्पलाइन नंबर 1920 बी सक्रिय कीता गेदा ऐ।



Trump

अमरीका च 2016 दे राष्ट्रपति चुनां दे दरान स्टॉर्मी डेनियल्स गी चुप्प रौहने लेई पैहा देने आले मामले च अमरीका दे नमें चुनोए दे राष्ट्रपति डोनाल्ड ट्रंप होरें गी बिजन शर्त बरी करी दित्ता गेआ ऐ। ट्रंप होरें गी इस मामले च दोषी मन्नेआ गेआ हा पर उनेंगी जेल, जमाना जा होर कोई बी सजा नेई दित्ती गई। बरी होने कन्नै उंदे बतौर राष्ट्रपति शपथ ग्रैहण दा रस्ता साफ होई गेआ ऐ, अजें कि ओह् अमरीका दे पैहले ऐसे राष्ट्रपति होंगन जिनेंगी कुसै मामले च दोषी ठैहराया गेदा होए ते ओह् एह् औहदा बी सांभगण। ओह् 20 जनवरी गी अमरीका दे नमें राष्ट्रपति दे तौरा पर सगंध चुक्कगंन।



Om Birla-CSPOC

लोकसभा अध्यक्ष ओम बिरला होरें कल बरतानिया दे इक टापू ग्वेर्नस च राष्ट्रमंडल देशें दे संसद अध्यक्षें ते पीठासीम अधिकारिणें कन्नै इक बैठक दी अध्यक्षता कीती। इस मौके बिरला

होरें आखेआ जे भारत च राई-बाई, वित टेक्नालोजी ते आर्टिफिशल इंटेलीजेंस दे क्षेत्र च केई बदलाव औवे करदे न। उनें आखेआ जे जलवायु परिवर्तन, आतंकवाद ते साइबर अपराध जनेइए कुल संसारी चुनौतिएं कन्नै निबडने लेई एह बडा जरूरी ऐ कि सब्बने देसें दे संसद मते असरदार, समावेशी ते पारदर्शी बनन। उनें नीतियां तैआर करने च सांसदे दी भूमका ते जिम्मेवारिएं पर बी लोह पाई ते जोर देइयै आखेआ जे अपनिएं जिम्मेवारिएं गी पूरी संजीदगी कन्नै नभाइयै अस बड्डी कोला कुसै बी चुनोती कन्नै असरदार ढंगै सिर निबडी सकने आं। अगले ब'रे राष्ट्रमंडल मुख्खें दे संसद अध्यक्षें ते पीठासीन अधिकारिएं दा सम्मेलन भारत च लग्गोग।



Badminton

बैडमिंटन च कुआलालम्पुर च जारी मलेशिया सुपर थाउसॅंड प्रतियोगिता दे पुरुष युगल सैमीफाइनल च भारतीय जोडी सात्विक साईराज रेंकी रेड्डी ते चिराग शेटी दा मकाबला दक्खनी कोरिया दी दी सेंट वरीयता प्राप्त जोडी कन्नै होग। मैच भारतीय समें मताबक दपैहरी 1 बज्जियै 4. मिंट पर शुरू होग। एहदे शा पैहले क्वार्टर फाइनल च भारतीय पुरुष जोडी नै मलेशिया दी जोडी गी सिद्दे सैटें च 26-24 ते 21-15 कन्नै हराई दित्ता हा।



Goyal

उद्योग ते बपार मंत्री पीयूष गोयल होरें आखेआ ऐ जे भारत थमां खाने पीने आले समेयान ते कन्नै राई-बाई ते समुंद्री उत्पादन दा कुल निर्यात अगले 5एं ब'रें च 100 अरब डॉलर तगर पुज्जने दी मेद ऐ। कनल नमीं दिल्ली च "इंडस फूड" नां दी नमेश दे सिलसिले उनें आखेआ जे 14 कोला 15 फीसद दी वृद्धि दर दी बिनाह पर इस लक्ष्य गी हासल करना मुमकिन सेइ होआ करदा ऐ। गोयल होरें आखेआ जे सरकार खाने पीने आले समेयान दे क्षेत्र च मता सैहयोग देआ करदी ऐ ते इस क्षेत्र च हुन 100 फीसद बाहर ते मुख्खे आस्सेआ रासपूंजी लाने दी बी इलालत थ्होइ गेदी ऐ। उनें आखेआ जे राई-बाई दे क्षेत्र गी मता टिकाऊ बनाना सरकार दी पैहली तरजीह ऐ। बपार मंत्री होरें भारतीय कंपनिएं गी अपील कीती ऐ जे ओह नवाचार ते समेयान गी बेहतर ढंगै सिर पैक जां डब्बाबंद करने बक्खी चेचा ध्यान देन।

<><><><><><>